

পরিচর্যা ও সুযোগের জন্য একটি পরিকল্পনা



প্রাত্যহিক জীবনকে আরো সাশ্রয়ী করে তোলা

এমন একটি অর্থবহ বিনিয়োগের মাধ্যমে অন্তারিও সব বয়সের মানুষকে এগিয়ে যেতে সাহায্য করছে যা দ্রুত অর্থনৈতিক পরিবর্তনের একটি সময়ে গৃহস্থালী ব্যয় কমাতে এবং আরো বেশি আর্থিক নিরাপত্তা প্রদান করবে। বসবাস, চাকরি ও ছেলেমেয়েদেরকে বড় করে তোলার জন্য অন্তারিও যাতে একটি চমৎকার জায়গা হিসেবে বজা থাকে তা নিশ্চিত করার জন্য এই বিনিয়োগগুলো অত্যন্ত গুরুত্বপূর্ণ।



বিনামূল্যে প্রিন্সুল চাইল্ড কেয়ার

আড়াই বছর বয়সী শিশুরা কিন্ডারগার্টেনের জন্য যোগ্য হওয়ার আগে পর্যন্ত তাদের জন্য বিনামূল্যে প্রিন্সুল চাইল্ড কেয়ার চালু করার মাধ্যমে আরো সাশ্রয়ী মানসম্পন্ন চাইল্ড কেয়ার প্রদান করা হচ্ছে, এর ফলে একটি সন্তান রয়েছে এমন পরিবারের জন্য গড়ে \$17,000 সাশ্রয় হবে, এবং পূর্ণ-দিবস কিন্ডারগার্টেন থেকে পরিবারগুলোর যা সাশ্রয় হবে তার সাথে এটি যোগ হবে।



65+ বয়সে বিনামূল্যে প্রেসক্রিপশনের ওষুধ

OHIP+ এর মাধ্যমে 65 বছর ও তারচেয়ে বেশি বয়সী সবার জন্য প্রেসক্রিপশনের ওষুধ সম্পূর্ণ বিনামূল্যে প্রদান করা হবে, যা প্রত্যেক প্রবীণ নাগরিকের প্রয়োজনীয় ওষুধ পাওয়ার বিষয়টি নিশ্চিত করবে। 'অন্টারিও ড্রাগ বেনেফিট'-এর বার্ষিক ডিডাক্টিবল ও কো-পে বাতিল করার মাধ্যমে, অন্তারিওর একজন প্রবীণ নাগরিকের বছরে গড়ে \$240 ডলার সাশ্রয় হবে।



ওষুধ ও দাঁতের চিকিৎসার খরচ কমানো

অন্টারিওতে ওষুধ ও দাঁতের চিকিৎসা সংক্রান্ত নতুন কর্মসূচি চালু করা হচ্ছে, যার মাধ্যমে যারা অফিস থেকে স্বাস্থ্য সুবিধা পান না অথবা OHIP+ বা অন্য কোনো সরকারি কর্মসূচি থেকে কভারেজ পান না তারা প্রতি বছর উপযুক্ত প্রেসক্রিপশনের ওষুধ ও দাঁতের চিকিৎসার খরচের শতকরা 80 (আশি) ভাগ ফেরত পাবেন — অবিবাহিত ব্যক্তির জন্য সর্বোচ্চ \$400 ডলার, প্রত্যেক দম্পতির জন্য \$600 ডলার এবং দু'টি ছেলেমেয়েসহ চারজনের পরিবারের জন্য \$700 ডলার।

জীবন যাপনের খরচের ক্ষেত্রে সাহায্য

অন্টারিওতে যা যা করা হচ্ছে:

- ন্যূনতম মজুরি বাড়িয়ে জানুয়ারি 1, 2018 তারিখে ঘণ্টা \$14 ডলার, এবং জানুয়ারি 1, 2019 তারিখে ঘণ্টা \$15 ডলার করার মাধ্যমে সারা অন্তারিওজুড়ে 1.2 মিলিয়ন ব্যক্তির জন্য দীর্ঘ প্রতীক্ষিত মজুরি বৃদ্ধি করা হচ্ছে।
- নতুন 'সিনিয়র হেলদি হোম' কর্মসূচি চালু করা হচ্ছে। এটি বৃদ্ধিপ্রাপ্ত ব্যক্তিদের বাড়িতে বসবাস করার সাথে (যেখানে তারা থাকতে চান) সংশ্লিষ্ট খরচ চিহ্নিত করে থাকে। 75 বছর বা তারচেয়ে বেশি বয়সী ব্যক্তিদের নেতৃত্বে পরিচালিত যোগ্য পরিবারগুলোকে এটি বছরে সর্বোচ্চ \$750 ডলার বেনিফিট প্রদান করে যাতে তারা স্বাধীনভাবে বসবাস করতে পারেন এবং তাদের বাড়ি রক্ষণাবেক্ষণের খরচ পোষাতে পারেন।
- GO ট্রানজিট/UP এক্সপ্রেস নেটওয়ার্ক থেকে TTC-এর মধ্যে স্থানান্তরের সময় একজন যাত্রীর যাতায়াতের গড় খরচ বছরে \$720 ডলার কমানো হচ্ছে, এবং জুলাই 1, 2017 থেকে পাবলিক ট্রানজিট ট্যাক্স ক্রেডিট প্রদান করা হচ্ছে যা প্রবীণদের জন্য \$450 ডলার পর্যন্ত সাশ্রয় করে।
- জুলাই 1, 2017 থেকে আবাসিক বিদ্যুৎ বিল গড়ে শতকরা 25 ভাগ কমানো হচ্ছে এবং গ্রামে বসবাসকারী ও নিম্ন-আয়ের পরিবারগুলোর জন্য শতকরা 40 থেকে 50 ভাগ পর্যন্ত কমানো হচ্ছে।
- যেসব হাসপাতাল পার্কিংয়ের জন্য দিনে \$10-এর বেশি ফি নেবে সেগুলোকে হ্রাসকৃত মূল্যে পাস অফার করা আবশ্যিক করার মাধ্যমে রোগী ও তাদের প্রিয়জনদের উপর থেকে আর্থিক বোঝা কমানো হচ্ছে, এই পাসগুলো ঘন ঘন ভিজিটকারীদের জন্য দৈনিক সর্বোচ্চ রেট কমপক্ষে শতকরা 50 ভাগ কমাবে।
- GreenON রিবেটের মাধ্যমে দূষণ, নির্গমন ও জ্বালানী খরচ কমাতে লোকজনের জন্য তাদের বাড়ি আপগ্রেড করাকে আরো বেশি সাশ্রয়ী করে তোলা হচ্ছে। এর অর্থ হতে পারে নতুন ইনসুলেশনের জন্য \$7,200 ডলার পর্যন্ত, জানালা বদলানোর জন্য \$5,000 ডলার পর্যন্ত, অথবা সার্টিফাইড গ্রাউন্ড সোর্স হিট পাম্প স্থাপনের জন্য \$20,000 ডলার পর্যন্ত সাশ্রয়।
- বিনামূল্যে শিঙ্গেলস-এর টিকা প্রদানের মাধ্যমে 65 থেকে 70 বছর বয়সী প্রবীণদের জন্য জীবনকে আরো সহজ ও স্বাস্থ্যসম্মত করা হচ্ছে, এতে প্রত্যেক ব্যক্তির প্রায় \$170 সাশ্রয় হবে।
- 17 বছরের কম বয়সী অন্তারিওর শিশুদেরকে বিনামূল্যে প্রতিরোধমূলক, রুটিনমাসিক ও জরুরি দস্ত চিকিৎসা সেবা প্রদানের মাধ্যমে নিম্ন-আয়ের পরিবারগুলোর জন্য দাঁতের চিকিৎসার খরচ সাশ্রয় করা হচ্ছে।

চাইল্ড কেয়ারে বিনিয়োগ করা

অন্টারিওতে যা যা করা হচ্ছে:

- আড়াই বছর বয়সী শিশুরা কিন্ডারগার্টেনের জন্য যোগ্য হওয়ার আগে পর্যন্ত তাদের জন্য প্রিন্সিপাল চাইল্ড কেয়ার ফ্রি করে দেয়ার মাধ্যমে আরো সাশ্রয়ী মানসম্পন্ন চাইল্ড কেয়ার প্রদান করা হবে। এর ফলে একটি সন্তান রয়েছে এমন পরিবারের গড়ে \$17,000 সাশ্রয় হবে, এবং পূর্ণ-দিবস কিন্ডারগার্টেন থেকে পরিবারগুলোর যা সাশ্রয় হবে এটি তার সাথে যোগ হবে।

- চাইল্ড কে এর জন্য 100,000-এরও বেশি আসন যোগ করা হচ্ছে যাতে আরো বেশি পরিবার উচ্চমানসম্পন্ন, মাস্ট্রী চাইল্ড কে এর থেকে বেছে নিতে পারেন - এবং নতুন সব আসনের শতকরা প্রায় 60 ভাগের ক্ষেত্রে ভর্তুকিপ্ৰাপ্ত পরিবারগুলোকে বাড়তি আর্থিক সহায়তা প্রদান করা হবে।
- বেশিরভাগ প্রাথমিক স্কুলে কর্মসূচি প্রদান করাটা স্কুল বোর্ডগুলোর জন্য বাধ্যতামূলক করার মাধ্যমে 12 বছর বয়স পর্যন্ত শিশুদের পরিবারবৃন্দের জন্য স্কুল শুরুর আগের ও স্কুল ছুটি পরবর্তী পরিষেবা কর্মসূচিতে আরো ভালোভাবে অ্যাক্সেস প্রদান করা হচ্ছে।

শিক্ষার্থীদেরকে সহায়তা করা

অন্টারিওতে যা যা করা হচ্ছে:

- সব বয়সের 225,000 এরও বেশি কলেজ ও বিশ্ববিদ্যালয় শিক্ষার্থীর টিউশন ফি ফ্রি করে দেয়া হচ্ছে। নিম্ন- ও মধ্য-আয়ের পরিবারগুলোর শিক্ষার্থীদের জন্য বিনামূল্যে বা স্বল্পমূল্যে টিউশনের ব্যবস্থা রয়েছে; \$90,000 ডলার পর্যন্ত উপার্জনকারীদের টিউশন ফি, এবং \$175,000 পর্যন্ত উপার্জনকারী পরিবারের শিক্ষার্থীরাও আর্থিক সহায়তা পাওয়ার যোগ্য।
- 2018 সালের হেমন্ত থেকে শুরু করে, মধ্য-আয়ের পরিবারগুলোর বা বিবাহিত শিক্ষার্থীদের জন্য OSAP ও আরো আর্থিক সহায়তা পাওয়ার বিষয়টি আরো সহজ করে তোলা হচ্ছে।
- ‘অন্টারিও ওপেন টেক্সটবুক’ উদ্যোগের মাধ্যমে বিনামূল্যে অনলাইনে পাঠ্যবই ও শিক্ষাসামগ্রী প্রদানের দ্বারা 5,000 এরও বেশি শিক্ষার্থীর \$520,000 ডলারেরও বেশি সাশ্রয় করা হচ্ছে।
- OSAP ঋণ পরিশোধ প্রক্রিয়াকে আরো নমনীয় করা হচ্ছে। একক শিক্ষার্থীরা বছরে কমপক্ষে \$35,000 ডলার আয় শুরু করার আগে তাদের স্টুডেন্ট লোনের অন্টারিওর অংশ পরিশোধ করা শুরু করতে হবে না, যা আগের ন্যূনতম \$25,000 ডলার থেকে \$10,000 ডলার বেশি।

বাসস্থানের সামর্থ্য বাড়ানো

অন্টারিওতে যা যা করা হচ্ছে:

- জানুয়ারি 1, 2017 থেকে প্রথমবার বাড়ি ক্রয়কারীদের মধ্যে যোগ্যদের জন্য সর্বোচ্চ ল্যান্ড ট্রান্সফার ট্যাক্স রিফান্ডের পরিমাণ দ্বিগুণ করে \$4,000 ডলার করার মাধ্যমে আরো বেশি লোকজনের জন্য তাদের প্রথম বাড়ি কেনাকে আরো সহজ করে দেয়া হচ্ছে। এর অর্থ হলো অন্টারিওতে যোগ্য বাড়ি ক্রয়কারীরা তাদের প্রথম বাড়ির দামের প্রথম \$368,000 ডলারের উপর কোনো ল্যান্ড ট্রান্সফার ট্যাক্স দিতে হবে না।
- বেসরকারি খাতে ভাড়া দেয়া ইউনিটগুলোতে ভাড়া নিয়ন্ত্রণ সম্প্রসারণ করা হচ্ছে এবং ‘ফোর হাউজিং প্ল্যান’-এর মাধ্যমে হাউজিং মার্কেটকে পুনরাবহাতির ভারসাম্যপূর্ণ করতে সাহায্য করা হচ্ছে।

